

neuter eorum esset prælatus . Puta fortè erant tantum tres , & alter eorum erat prælatus, qui obiit, & neutrū ex eis qui superstites remanserunt, pre fecit alteri, & sunt in loco, vbi nullus est frater sui ordinis, quia nō est ibi prouincia, neq; custodia, tunc si ibi esset aliquis conuentus sui Ordinis, vbi esset prælatus , puta Guardianus, quem fratres ibi existentes elegerunt, siue virtute indultorum , siue au&oritate alicuius prælati, subquo etiam fortè remoti à gente militant , tunc illi duo fratres debent se illis fratribus iungere, & à prælato illius conuentus licenciam vtendi prefatis gratiis, recipere. Si vero ibi nullus sit conuentus, vel prælatus sui Ordinis, tunc si illa loca sint iam per ordinem suum reposita sub aliqua prouincia, aut custodia, predicti fratres habeant à cali ministro vel custode predictam licentiam . Si autem loca nōdum sub aliqua prouincia vel custodia sunt redacta , si Prouincia aut Custodia parum distent, tutius est quod à prefato Ministro, aut Custode predictam licentiam recipient. Si vero multū distent prouin-